

定盦全集

冊二

新書全集

卷一百一十五

定盦續集目錄

卷一

說京師翠微山

說昌平州

說天壽山

說居庸關

說張家口

說宗彝

說廬

說刻石

說碑

說衛公虎大敦

太史公書副在京師說

京師樂籍說

說月晷

宥情

涼燠

論私

抱小

尊史

尊命

尊任

尊隱

卷二

古史鉤沈論一

古史鉤沈論二

古史鉤沈論三

古史鉤沈論四

壬癸之際胎觀第二十五

壬癸之際胎觀第二十六

壬癸之際胎觀第二十七

壬癸之際胎觀第二十八

壬癸之際胎觀第二十九

壬癸之際胎觀第三十

壬癸之際胎觀第三十一

壬癸之際胎觀第三十二

壬癸之際胎觀第三十三

壬癸之際胎觀第三十四

壬癸之際胎觀第三十五

定盒續集目錄

二一中華書局聚

五經大義終始答問三

五經大義終始答問四

五經大義終始答問五

五經大義終始答問六

五經大義終始答問七

五經大義終始答問八

五經大義終始答問九

乙丙之際塾議第十六

乙丙之際塾議第十七

乙丙之際塾議第二十

乙丙之際塾議第二十五

述思古子議

保甲正名

地丁正名

撰四等十儀

祀典雜議

答人問關內侯

卷三

己亥六月重過揚州記

病霖館記

長短言自序

商周彝器文錄序

升平分類讀史雅詩自序

千祿新書自序

錢吏部遺集序

江左小辨序

江子屏所箸書序

袁通長短言序

上海張青瑊文集序

金孺人畫山水序

上海李氏藏書志序

江南生橐筆集序

阮尙書年譜第一序

陸彥若所箸書序

張南山 國朝詩徵序

續溪胡戶部文集序

邵子顯校栞婁東雜箸序

懷寧王氏族譜序

禮部題名記序

四先生功令文序

送徐鐵孫序

識某大令集尾

序嘉定七生

卷四

王仲瞿墓表銘

工部尚書高郵王文簡公墓表銘

武顯將軍福建海壇鎮總兵官丁公神道碑銘

明按察司僉事金君石闕銘

贈太子太師兵部尚書兩廣總督諡敏肅涿州盧公神道碑銘

代阮中堂

刑部主事番禺黃君妻周墓碣銘

徐泰母碣

孔憲彝母碣

朱殤女碣

潘阿細碣

京師悅生堂刻石

代宋
經歷

鳳山知縣常州湯公父子畫象記

金侍御妻誄

最錄南唐五百字

記王隱君

吳之癯

書果勇侯入覲

書番禺許君

書葉機

書金伶

松江兩京官

縱難送曹生

臣里

廬之推

捕蠅第一

捕熊羆鴟鵂豺狼第二

捕狗蠅螞蟻蚤蟹蚊虿第三

定盦續集

仁和龔自珍璵人饌

卷一

說京師翠微山

翠微山者有籍於朝有聞於朝忽然慕小感慨慕高隱者之所居也山高可六七里近京之山此爲高矣不絕高不敢絕高以俛臨京師也不居正北居西北爲繖蓋不爲枕障也出阜城門三十五里不敢遠京師也僧寺八九架其上構其半臚其趾不使人無攀躋之階無喘息之憩不孤巉近人情也與香山靜宜園相絡相互不觸不背不以不列於三山爲懟也與西山亦離亦合不欲爲主峯又恥附西山也草木有江東之玉蘭有蘋婆有巨松柏雜華靡靡芬腴石皆黝潤亦有文采也名之曰翠微亦典雅亦諧於俗不以僻儉名其平生也最高處曰寶珠洞山趾曰三山盦三山何有有三巨石離立也山之盪有泉曰龍泉澄澄然渟其間其鬢之也中矩泉之上有四松焉松之皮白皆百尺松之下泉之上爲僧廬焉名之曰龍泉寺名與京師宣武城南之寺同不避同也寺有藏

經一分禮經以禮文佛不則野矣寺外有刻石者其言清和康熙朝文士之言也寺八九何以特言龍泉龍泉迟焉餘皆顯露無龍泉則不得爲隱矣余極不忘龍泉也不忘龍泉尤不忘松昔者余游蘇州之鄧尉山有四松焉形偃神飛白晝若雷雨四松之蔽可千畝平生至是見八松矣鄧尉之松放翠微之松肅鄧尉之松古之逸翠微之松古之直鄧尉之松殆不知天地爲何物翠微之松天地間不可無是松者也

說昌平州

昌平州京師之枕也隸北路廳北路廳隸分巡霸昌道分巡霸昌道隸京尹州在德勝門北八十里州南門至北門七里州之東有鎮山焉曰天壽山明十二陵之所在又東南有小山焉曰湯山實維溫泉有江東之辛夷樹焉

純皇帝置行宮實東巡之所憩州南門之外有泉焉曰龍王泉泉上有龍王祠泉南流西南又有泉焉出大覺寺又西有村焉村有多泉村人自名曰百泉百泉之泉與大覺之泉皆東南流以入於沙河州之北二十有五里曰南口南口

者州之蔽也居庸之基也入延慶州界矣州之人才漢有盧植唐有劉蕡今有王護齡王護齡者好積書豐然長者以孝廉方正徵授牘禮部則奮筆言當世事其言有曰今士習尤譁囂意小慧上宜崇樸學以勵下仁和龔自珍以此言爲然也其穀宜麥亦宜稻其土產硝磺其木多文杏蘋婆柿棠梨其俗敬賓客富人畜車馬不敢騁於里門

說天壽山

由德勝門北行五十五里曰沙河沙河有城出沙河之北門實維廣陽豐草肥泉引領東拜大山臨之是爲天壽山明成祖永樂十年所錫名也京師西北諸山皆宗太行山此山能不與羣山勢相屬有明尊且秩焉自永樂至天啓十有二帝葬焉謂之十二陵獨景泰帝無陵崇禎十五年妃田氏死葬其西麓十七年帝及周后死社稷昌平民發田妃之墓以葬帝后因曰十三陵矣山多文杏春正月而華山之勢尊故木之華也先山氣厚故木之華也怒山深故春甚寒深且固故雖寒而不冽其石其鹿皆絕大山之理如大斧劈山之色黝以文山

之東支有湯山焉其泉曰湯泉焉山之首尾八十里

說居庸關

居庸關者古之譚守者之言也龔子曰疑若可守然何以疑若可守然曰出昌平州山東西遠相望俄然而相輳相赴以至相蹙居庸實其間如因兩山以爲之門故曰疑若可守然關凡四重南口者下關也爲之城城南門至北門一里出北門十五里曰中關又爲之城城南門至北門一里出北門又十五里曰上關又爲之城城南門至北門一里出北門又十五里曰八達嶺又爲之城城南門至北門一里蓋自南口之南門至於八達嶺之北門凡四十八里關之首尾具制如是故曰疑若可守然下關最下中關高倍之八達嶺之俛南口也如窺井形然故曰疑若可守然自入南口城甃有天竺字蒙古古字上關之北門大書曰居庸關景泰二年修八達嶺之北門大書曰北門鎖鑰景泰三年建自入南口流水齧吾馬蹏涉之琤然鳴弄之則忽涌忽湫而盡態迹之則至乎八達嶺而窮八達嶺者古隰餘水之源也自入南口木多文杏蘋婆棠梨皆怒華自入

南口或容十騎或容兩騎或容一騎蒙古自北來鞭橐駝與余摩臂行時時橐駝銜余騎顛余亦搗蒙古帽墮於橐駝前蒙古大笑余乃私歎曰若蒙古古者建置居庸關之所以然非以若耶余江左士也使余生趙宋世目尙不得覩燕趙安得與反犛者相搗戲乎萬山間生我

聖清中外一家之世豈不傲古人哉蒙古來者是歲克西克騰蘇尼特皆入京詣理藩院交馬云自入南口多霧若小雨過中關見稅亭焉問其吏曰今法網寬大稅有漏乎曰大筐小筐大偷橐駝小偷羊余歎曰信若是是有間道矣自入南口四山之陂陀之際有護邊牆數十處問之民皆言是明時修微稅吏言吾固知有間道出沒於此護邊牆之間承平之世漏稅而已設生昔之世與凡守關以爲險之世有不大駭北兵自天而降者哉降自八達嶺地遂平又五里曰全道

說張家口

張家口在宣化府萬全縣北境察哈爾都統駐焉凡効力軍臺贖罪者駐焉効

力者効力軍臺也何以駐張家口近今五十年駐張家口也昔之日稱軍臺者何

仁皇帝親北征有事蒙古

純皇帝命將西征出入蒙古故軍臺始於平噶爾丹時密於追達瓦齊時周帀密布於設定邊左副將軍時今無軍事何以稱軍臺曰猶內廷有軍機處無軍事亦得稱也軍臺起訖如何以口外察哈爾爲起而北而西北而又西以烏里雅蘇臺爲止凡四十八臺無軍有臺何也通檄報也察哈爾都統與定邊左副將軍遙聲援中間哲卜尊丹刺麻喀爾喀諸汗與理藩院往反之檄報臺員率驛丁奉之走驛丁受輶受此也臺員効力効此也駐張家口何名曰戍張家口也張家口烏用戍曰旅焉而已有財三年估無財三年旅問何所始也始於臺員有老病者畏塞外之寒且勞入貲充公白都統許之以其貲輶蒙古代之勢也情也非法也亦無臺費之名亦不上

聞今臺費上